



Sakspapir

Sakshandsamar	Arkiv	ArkivsakID
Jan Torry Sande	FE-026	20/554

Saksnr	Utval	Type	Dato
081/20	Kommunestyret	PS	10.12.2020

Den vidare organiseringa av Nordhordland Digitalt

Vedlegg:

Sak 26-20. Saksframlegg politisk NH digitalt
Nordhordland digitalt Utgiftsfordeling 2019

Saksutgreiing:

Bakgrunn

Denne saka har utgangspunkt i «Sak 26 – 20 Rådmannsutval 4-2020».

Nordhordland digitalt starta opp i 1999 med forvaltning av geodata, og vart eigd og drifta av Regionrådet i Nordhordland IKS (no Nordhordland Utviklingsselskap IKS). Samarbeidet utvikla seg gradvis til å omfatte felles geografiske informasjonssystem (GIS), felles prosedyrar for handtering av oppmålingssaker/matrikkelen, adressering samt felles prosedyrar for handtering av plan- og byggesaker. I 2012 vart det inngått avtale om interkommunalt samarbeid etter tidlegare kommunelov § 27 (eige styre til løysing av felles oppgåver). Deltakarkommunane var Austrheim, Fedje, Gulen, Lindås, Masfjorden, Meland, Modalen, Osterøy, Radøy og Vaksdal.

Av årsaker belyst i den vidare sakshandsaminga er det no tid for å endre samarbeidsavtalen.

Vurdering

Nordhordland Digitalt skal ha fokus på felles nytte for regionen, einsarta forvaltning og lik haldning til brukarane. Kart- og geodatatenestene i Nordhordlandsregionen skal vere framtidsretta og gje grunnlag for utvikling av ein dynamisk vekstregion og effektiv offentleg sektor.

Det er stor tilslutnad i regionen til samarbeidet, men organiseringa av området har over tid vore diskutert. Allereie i 2013 var rådmannsutvalet innstilt på å flytta oppgåva til NUI, men dette stoppa då opp fordi ein måtte klargjera kva det betydde at det var inngått avtale om interkommunalt samarbeid etter tidlegare kommunelov § 27. Så vart dette liggande nokre år før rådmannsutvalet sette på dagsorden igjen grunna endring av kommunelova. *Interkommunalt samarbeid, med eit styre som har ansvar for organisering og drift, er ikkje ein alternativ organiseringsmåte av interkommunalt samarbeid etter gjeldande kommunelov.*

Rådmennene ser trong for ein sterkare tilknytning med ein klar overordna rolle. Samanslåing av Lindås, Meland og Radøy til Alver kommune gjer det uansett naudsynt å endre samarbeidsavtalen. Annan organisering av samarbeidet krev at gjeldande samarbeid etter tidlegare kommunelov § 27



Fedje kommune

formelt oppløysast.

Folkehelse: Sidan folkehelse og miljø heng saman, så sjå det som står under «miljø».

Miljø: Ei god sakshandsaming på feltet teknikk- og miljø er heilt sentralt for miljøet. Det er denne avdelinga som i stor grad står for forvaltninga av dette feltet i kommunen.

Økonomi: Drifta vil vere mykje som etter dagens ordning, og det er ikkje presisert noko endra modell for finansiering av NH Digitalt i saka frå rådmannsutvalet.

Nordhordland digitalt hadde i 2019 et budsjett med driftsutgifter på til saman kr 989 800. Løn og sosiale utgifter kr 395 000 samt frikjøp av ressursar frå andre kommunar kr 285 000 utgjør største delen av budsjettet. I tillegg kjem lisensar, andre driftsutgifter og ein administrativ kostnad. Driftsutgiftene blir fordelt mellom deltakarkommunane etter ein nøkkel med 1/3 fast og 2/3 etter folketal. *Sum for Fedje var på 40554 kr. i 2019, det vert inga endring på økonomiske krav.*

Konklusjon

Rådmannsutvalet i Nordhordland har vurdert at samarbeidsforma bør endrast.

Forslag til ny organisering av samarbeidet er todelt med eit administrativt samarbeid innan byggjesak, kart og oppmåling samt Nordhordland digitalt som eige rettssubjekt innan kart og geodata organisert inn under NUI. Her er satsing på digitalisering og innovasjon allereie organisert og ein legg då til rette for tett samarbeid med all utviklingsarbeidet som skje gjennom NUI.

Samarbeidet kan forankrast i ein administrativ samarbeidsavtale vedteken på rådmannsnivå. Rådmennene vil gjennom rådmannsutvalet vere styringsgruppe for det administrative samarbeidet. Det er lagt opp til at samarbeidsgruppa utarbeidar forslag til årlege handlingsplanar og budsjett som styring av aktiviteten i samarbeidet. Budsjett, handlingsplanar og prosjekter vert vedtatt av styringsgruppa. Nettverksgrupper og prosjektgruppe vil bli etablert ved trong i det einskilde tilfellet. Rådmennene vil arbeide vidare med organisering av det faglege samarbeidet ved politisk vedtak om oppløysing av eksisterande samarbeid.

Utgiftene for Fedje kommune vil vere uendra med denne organiseringa.

Forslag til vedtak:

Det interkommunale samarbeidet Nordhordland digitalt, etter tidlegare kommunelov § 27, vert oppløyst. Nordhordland digitalt som administrativt samarbeid innan byggjesak, kart og oppmåling, samt Nordhordland digitalt som eige rettssubjekt innan kart og geodata, vert organisert inn under Nordhordland Utviklingsselskap IKS (NUI).

Kommunestyret - 081/20

K - behandling:

K - vedtak:

Det interkommunale samarbeidet Nordhordland digitalt, etter tidlegare kommunelov § 27, vert oppløyst. Nordhordland digitalt som administrativt samarbeid innan byggjesak, kart og oppmåling,



Fedje kommune

samt Nordhordland digitalt som eige rettssubjekt innan kart og geodata, vert organisert inn under Nordhordland Utviklingsselskap IKS (NUI).

Samrøystes vedteke